


পোয়া-মাইয়া অলর লাই বাইবেল
যে প্রকাশ গইজে



স্বর্গ হইয়ে দে
ঈশ্বরর সুন্দর বাড়ী



যে লেইকে: Edward Hughes

যে ছবি আইকে: Lazarus
Alastair Paterson

যে সম্পাদন গইজে: Sarah S.

যে অনুবাদ গইজে: Adlina

যে পরিচালনা গইজে: Bible for Children
www.M1914.org

©2021 Bible for Children, Inc.


বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার,
ইলেকট্রনিকস, রেকর্ড গরিবার আর ছবছ লেখিবার অনুমতি দন গেইয়ে।




স্বৰ্গৰ ব্যাপারে যীশু তাঁর অংগীঅলরে কইয়েদে যেত্তে যীশু এই দুনিয়াত আছিল
ইবारे তিনি কইতো দে, “আর বাপৰ বাড়ী” আর কইতো এডে থাইবার বহুত
জাগা আছে। উল্ল্যা ডর অট্টালিকা, সুন্দর চমৎকার বাড়ী।
দুনিয়ার যেকোনো বাড়ীরতুন স্বৰ্গ বহুতডর আর
বেশী সুন্দর।



যীশু কইয়ে, “আই তোয়ারার লাই জাগা ঠিক গইরত্তো যাইর। আই যাই তোয়ারার লাই জাগা ঠিক গরি আবার চলি আইষুম আর আঁর কাছে তোয়ারারে লই যাইযুম।” মরনরতুন জেয়াতা হই উডিবার পরে যীশু স্বর্গত গেইয়ে গই। অংগীঅলরে চোখোর সামনোদীরতুন যীশুরে তুলি লওয়া হইয়ে আর যীশু উল্ল্যা মেঘর আড়ালত চলি গেইয়ে।




এয়ার পরোতুন খ্রীষ্টানঅলে যীশুর প্রতিজ্ঞা মনত রাইক্কে যে, যীশু ফিরি আই
তারারে লই যাইবো। যীশু কইয়ে তিনি আতিক্কা গরি ফিরি আইবো। যেত্তে কেউ
কোনো আশা ন গরিবো। কিন্তু যেসব খ্রীষ্টানঅলে তাঁর আইবার
আগে মরি যাইবো তারা কি হইবো? বাইবেলত কয় দে তারা
সরাসরি যীশুর কাছে যাইবো। শরীলরতুন
আলাদা হই প্রভুর অংগেই থাকিব।



প্রভুর সামনদী
হাজির হ



স্বৰ্গ কত যে সুন্দর আর চমৎকার এই ব্যাপারে বাইবেলের শেষ বই প্রকাশিত
বাইবল আঁরারে কয়। বিশেষ গরি ইবা উল্ল্যা চমৎকার বিষয় দে স্বৰ্গ ঈশ্বরের
থাকিবার জাগা। ঈশ্বর যে কোন জাগাত আছে, কিন্তু স্বৰ্গ হইল দে তাঁর
সিংহাসন।



ফেরেস্তা আর স্বর্গর বাহিনী স্বর্গত ঈশ্বরর উপাসনা গরের। ঈশ্বরর বেক
মানুষ যারা মরি গেইয়ে আর স্বর্গত গেইয়ে ইতারাও ঈশ্বরর প্রশংসা গরের।


তারা যে গানওয়া গাইয়ে এয়ার কয়েককান লাইন
এরহম: তুই উপযুক্ত, তুই তোয়ার রক্ত দিয়েনে
বেক বংশ আর জাতির মইধ্যর তুন ঈশ্বররলাই
আরারে কিনি পুনরুদ্ধার গইজ্জ্য (প্রকাশিত বাক্য
৫:৯ পদ)। তাঁর সেবারলাই পুরোহিত আর

দুনিয়াত রাজত্ব
গরিবারলাই রাজা
গইজ্জ্য।

(রোমীয় ৫:৯ পদ)




বাইবেলের শেষদ্বী স্বর্গর ব্যাপারে বর্ণনা দিত যাই। “নোয়া যিরুশালেম” অর কতা কওয়া হইয়ে। ইবা হইয়েদে বহুত ডর আর চারিমিক্কা দেওয়াল দিয়েনে ঘেরা দেয়া দেওয়ালর পাথরগুন হইয়েদে আইনার মত। আর নীচর ভীতগুনোর মইধ্যে বেক রকমন দামী দামী পাথর বোয়ানো আছিল। শহরর বেক দরজা এক উগ্গা মুক্তা দিয়েনে তৈয়ার করা।




শহরর দরজাগুণ কোনদিন বন্ধ ন থাকে। চলো ভিতরত যাই আর চারিমিক্কা
ঘুরি ঘুরি চাই- কী সুন্দর! স্বর্গর ভিতরগান খুব বেশী সুন্দর। শহরগান
পরিষ্কার কাঁচরনান সাদা, খাঁটি সোনার তৈয়ারী। এনকি রাস্তা ইউনো সোনা
দি তৈয়ার গইজেয়।



ঈশ্বরের সিংহাসনরত্ন এককান সুন্দর, চকচকি জীবন-জলর নদী বই যাইতো লাইগ্লে। এই নদীর দুই পাশেই জীবন গাছ আছিল। যিবা এদন বাগানত প্রথম দেখা গেইল। গাছইবা আছিলদে অসাধারণ। এই গাছত প্রতি মাসেই বারো বইত্তা ফল ধরে আর এই জীবন গাছর পাতাত জাতির মানুষ ভালা হয়।



স্বৰ্গত চাঁদ বা সূৰ্য্যৰ আলোৰ দৰকাৰ নাই। এয়াৰ কাৰণ ঈশ্বৰৰ নিজৰ মহিমালাই স্বৰ্গ চমৎকাৰ গৰি আলোকিত হইবো। এডে কোনোদিন কোন আন্ধাৰ ন থাকিবো।



এনকি স্বর্গর মইখে জীব-জন্তু হইলদে নানা বইত্তা। এউন বেক হইয়েদে চুপচাপ,
শান্ত আর বন্ধুরনান নেকড়ে বাঘ আর ছাগল একঅংগে খের খার। শক্তিওয়ালা
সিংহগুন ষাড়রনান গরি খের খার। সদাপ্রভু কইয়েদে, “আর পবিত্র পাহাড়ত
যারা থাকিব তারা কোন আঘাত ন পাইবো, ধ্বংসও ন হইবো।”



আরা স্বৰ্গৰ চাৰিমিক্কা চাই দেখিলাম দে এডে কিছু বিষয় নাই। এডে কোন
ৰকম ৰাগ বা খাৰাপ কতাবাৰ্তা, হুনা ন যায়। কোনিকাই মারামাৰি ন গৰে
বা নিজৰ সৰ্বাৰ্থৰ কতা ন ভাবে।

স্বৰ্গত কোন চোর নাই। এই
কতারলাই দৰজাত তালা
নাই। এডে কোন মিথ্যুক
খুনী, গণক, যাদুকৰ বা
কোন দুষ্ট মানুষ নাই।
স্বৰ্গত কোন ৰকম পাপ নাই।



স্বৰ্গত ঈশ্বৰৰ কাছে কোন দুঃখ নাই,
কিন্তু পৃথিবীত মাঝে মইধ্যে ঈশ্বৰৰ
মানুষঅল দুঃখত কাঁদে। স্বৰ্গত ঈশ্বৰ
বেকেৰ চোখৰ পানি মুছি দিবো।



এনকি স্বৰ্গত কোন মৰণ নাই। ঈশ্বৰৰ মানুষঅল আৰা জীৱন সদাপ্ৰভুৰ অংগে থাকিব। যেডে কোন ৰকম দুঃখ নাই, নাই কোন কান্না, নাই ব্যথা, অসুখ নাই, নাই আত্মীয়-স্বজন হাৰাইবাৰ ব্যথা, বা মৰণ। বেক মানুষ স্বৰ্গত ঈশ্বৰৰ অংগে সুখ ভোগ গৰিবো।



মূলকতা হইয়েদে যে পুয়া মাইয়াঅল তারার উদ্ধারকর্তা গরি প্রভু যীশু খ্রীষ্টরে
বিশ্বাস গইজেজ্য আর তাঁর বাইধ্য হইয়ে তারা বেকেই স্বর্গর বাসিন্দা হইবো।
স্বর্গত উগ্ন্যা বই আছে যিবারে মেঘ-শিশুর জীবন বই কওয়া হয়। মাইনষর নাম
দিয়েনে ভরা এই বই। তুই কি জান না, কার কার নাম এই বইয়র মইধ্যে লো
আছে? এই বেক মানুষর নাম যারা না
কি যীশুরে উদ্ধারকর্তা হিসাবে বিশ্বাস গইজেজ্য।

তোয়ার নাম কি
এডে আছে?



স্বর্গর ব্যাপারে বাইবেলের শেষ কতায় বেকরলাই উল্লেখ্য সুন্দর নিমন্ত্রণ রইয়ে।
“পবিত্র আত্মা আর কনে কইয়েদে, ‘আইও’। আর যে নাকি এই কতা হুইনে
ইতেও কউক, ‘আইও’। যারার তিরাশ পাইয়ে ইতে আইওক আর যে পানি
খাইতো চায় ইতে বিনামূল্যে জীবন পানি খাই যোক”।



স্বৰ্গ হইয়ে দে ঈশ্বৰৰ সুন্দৰ বাড়ী

ঈশ্বৰৰ বাইক্য পবিত্ৰ বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

যোহন ১৪ অঃ; ২ করিন্থীয় ৫ অঃ;
প্রকাশিত বাক্য ৪,২১,২২ অধ্যায়।

“তোঁয়ার বাইক্যই আঁর জীবনর আলোর কেবার (দরজা).” গীতসংহিতা

১১৯:১৩০ পদ





শেষ

60

60



This Bible story tells us about our wonderful God who made us and who wants us to know Him.

God knows we have done bad things, which He calls sin.

The punishment for sin is death, but God loves us so much He sent His Son, Jesus, to die on a Cross and be punished for our sins. Then Jesus came back to life and went home to Heaven! If you believe in Jesus and ask Him to forgive your sins, He will do it! He will come and live in you now, and you will live with Him forever.

If you want to turn from your sins, say this to God:

Dear God, I believe that Jesus died for me and now lives again. Please come into my life and forgive my sins, so that I can have new life now, and one day go to be with You forever. Help me to live for You as Your child. Amen.

Read the Bible and talk with God every day! John 3:16

